

樊

山

集

樊山集卷三

恩施樊增祥嘉父

北游集

起丙子正月  
訖丁丑八月

襄陽黃司馬席上留別一首

與子分携鄂水湄，煙霜五載足相思。  
鳩來叔子徜徉地，重見山公酩酊時。  
峴首訪碑還墮淚，習池下馬自題詩。  
車輪明發當千里，杯酒從容那得辭。

銅爵臺懷古

神爵千年逝不回，臨漳百尺想崔嵬。  
遂亡赤帝歌風業，雅愛陳王作賦才。  
金狄那乾他日淚，纔惟祇益後人哀。  
至今冰井香姜瓦，空遣人間重硯材。

仲春彰德道中計越中朋好當已渡海遂有是作

西園飛蓋復誰同，惟見清流繞故宮。  
忽憶仙舟滄海上，手提金埒紫塵中。  
相思鄴下多芳草，往事燕山有雪鴻。  
此去要償離別恨，酒樓泥飲對東風。

磁州

娟娟缺月抱雲流，照見栖烏上戍樓。  
十里清溪數行柳，曉風吹夢過磁州。

宿宜溝驛用辛未出都韻贈仲彝

舊時月色逐流波，漫唱吳歌復楚歌。  
絲竹中年行樂少，風塵奇士發名多。  
春寒小驛初垂柳，雪後征鴻盡渡河。  
便欲彈冠擬王貢，未應身世老煙蘿。

和勉鋤丈法源寺看花贈汝翼二首

綺陌輕陰走鈿車，携琴來問梵王家。  
朱門歌舞春如海，寂寞

香臺樹樹花

故人花底一相逢  
淪茗彈碁到晚春  
貪看西山高閣角  
巾遺在石壇松

送勉鈕文遲菊出都並寄子虞天津

祖帳青門落日陰  
荆高姓字總銷沈  
騎鯨東海狂猶昔  
策蹇西山約漫尋  
絲竹中宵聊命酒  
風花歧路各沾襟  
愁來更寄張平子  
錦段貂褕仔細吟

移寓愛伯師宅賦呈一首

寂寞城南屋數楹  
升堂聊可慰生平  
衣裝草草都無色  
桃竹依依並有情  
半榻殘書容病酒  
一春歸夢爲啼鶯  
上京得遂從游樂  
底用人閒黯淡名

次韻荅愛伯師雨中見寄

一雨收新暑滿庭秋意生坐憐芳草碧猶見晚霞明門外空  
車轍林間悅鳥聲巡檐視嘉植無異老農情

夏夜客散呈愛伯師

客去餘華燭庭空散綺羅含情獨良夜無語望明河暗草牆  
陰溼流螢竹上多髣髴忽中歲惆悵怕聞歌

次韻愛伯師儼唐人詩三首

王右丞屋上春鳩鳴

條風轉芳序淑氣迴阡陌楊柳自成村桃花復繞宅開門俯  
清溪平波疑可席林臥春雨多芳草無行迹

孟襄陽松月生夜涼

日夕飛鳥還林光曖空翠蘿逕寂無人時有明月至清露滴  
松釵流螢點瓜地煙磬隔林來迢迢水邊寺

儲太祝種桑百餘樹

貧賤何所樂所樂事田園昨者堂下筍今爲青竹竿禾稻日  
已長周巡畛隰閒夏雨旣云足春租各已完卻坐溪上石時  
看門外山桑柘結陰密榆柳垂條繁時時宴鄉社曳杖來獨  
先魚菽潔先祀雞豚仍臘盤醉臥茆茨下語笑何團樂行脚  
徧山水不詣官府前朝叱黃犢耕夕抱童孫眠世事不復聞  
耳熱惟鳴蟬

子珍將出都小伶桐仙彈琵琶爲別悵然賦此

羅黑當筵枉費詞檀槽金鏤映花枝怨歌好唱公無渡轉語  
眞成火不思淚下青衫知幾許尊前紅燭不多時君心如月  
來相照一樹桐花影碧池

八月二日仲彝招集天王寺和愛伯師韻時汝翼子珍

將赴津門予亦有保陽之役

西來爽氣撲簾鉤，勝日看山踞上頭。  
樓殿參差爭碧落，風煙黯淡入清秋。  
斝携綠酒尋前迹，肯待黃花覆後遊。  
一唱驪駒卽千里，不堪裙屐此夷猶。

中秋夜得子珍天津書卻寄

紅鱗六六寄瓊瑤，花下金尊未寂寥。  
一別美人隔秋水，十分明月望今宵。  
涼風細細吹衣帶，玉露娟娟長桂條。  
想見五城芝火夜，津橋扶醉聽吹簫。

丙子八月下旬始至蓮池

倦旅違京邑，名園覽物華。  
竹中一分屋，池上數枝花。  
欹枕聽流水，鉤簾看晚霞。  
我懷足蕭散，底用憶山家。

奉懷李愛伯師二首

高名日下更無倫，珍重文園病後身。  
待詔幾時趨漢殿，懷歸何意戀京塵。  
詩篇大厯稱才子，朝士貞元少舊人。  
獨向金門甘吏隱，閉關花藥有餘春。

百尺龍門得共攀，春風座上每開顏。  
執經東國諸生後，延譽中臺九列閒。  
翦燭幾曾虛夜雨，登樓閒與品名山。  
犢車此日看花出，少箇門生撰杖還。

寄彥清辛楣仲彝書題後

雪北香南跡已非，長安舊雨忍相違。  
花開曲水聽鶯出，酒盡高樓並馬歸。  
苒苒歲華憐晚暮，明明歧路惜分飛。  
燈前強寄平安字，多恐開緘淚滿衣。

送朱

適然

肯夫侍讀視學湖南

侍臣銜命出京華，賓從風流驛路賒。  
玉詔新除香案吏



宮衣遠泛洞庭槎木天詞賦爭傳草湘水蘭苕盡著花至竟  
漢廷恩禮重 明時持節到長沙

奉贈黃

彭年

子壽翰林丈卽送之襄陽

時新自燕台返役

聲望全高侍從班  
題臨戎幕閱時艱  
舊陪鵷鷺池邊立  
新掣鯨魚海上還  
一疏安危留 便殿十聯珠玉散  
人間抽簪懶問蒼生事  
騎馬西南更看山

雨夜有作

時病齒未癒

遠夢迴孤枕  
殘燈照病身  
秋生清苑樹  
雨傍茂陵人  
玉筍常棲藥  
金微祗積塵  
維摩營丈室  
寂寞閱冬春

贈褚叔寅同年

多病同羈旅  
齊年忝弟兄  
昆稱詩吳語  
俊餽菊楚風  
存反側憂窮島  
風煙鬱薊門  
無爲嗟在弱  
猶可事戎軒

寄贈潘伯循同年

萬里乘風志三年上計車九重自闢闔朝莫有門閭懸榻生  
秋辭明燈對古書異鄉誰骨肉真意獨憐余

題花茵盒一首贈黃二吉士

國瑾

閉戶耽元默棲神養性靈花明雕玉管葉寫蕊珠經細火蟠  
香印清光列鏡屏短僮供茗訖窗下拾枯螢

寄子珍越中

荀陸相逢各有聲舊游歷歷記春明旗亭盡解歌新曲朝列  
多聞譽兩生玉貌羊車常並載細書團扇總聯名如何一折  
青門柳齊向人閒望玉京

寄贈彥清

手把芙蓉謁玉京春風韋曲最關情換來美酒貂裘賤唱出

香詞并水清九列官中容抗禮三花頂上舊題名  
君著有嵩山游記  
尋常莫作詩人看射虎還過右北平

題愛伯師秋林箸書圖

平林漠漠寒烟積  
巖壑陰晴變秋色  
霞西老屋常閉關  
中歲著書到頭白  
學如秋實始足珍  
剛經柔史次第陳  
乾嘉故是開風氣  
吳越今知有異人  
窮年握槩不知苦  
黃葉打頭墮如  
雨門外青山對  
畫橋案頭玉杯閒  
珠柱一朝獻賦趨  
明光異書捆載橐  
駝忙黃塵白日倦  
奔走歲歲秋風思  
故鄉故鄉千山  
萬山隔塵海  
端居謝賓客  
祇聞執戟賦  
長楊幾見談  
經坐重席  
命工重寫  
柯山圖  
清泉老樹  
何森疏等  
身述作  
不可見巾  
席固與  
常人殊  
山中秋  
雨生芳  
蔭畫手  
丹青發  
光彩一  
榻雲山  
且自專  
百年文  
獻遙相  
待卽今  
箸錄滿  
巾箱亦  
有高名

北斗旁詩篇不少兼金購尺牘爭爲好事藏好爲溪堂補松  
瓦早晚田閒賦桑者我倘山陰躡屨來相從問字秋林下

蓮池月夜柬叔寅再同

樓閣濛濛影碧池林風吹水故參差卽看明月初生夜何似  
空山獨往時肺病經時常斷酒

時與叔寅  
俱患嗽

苦心二子總能詩

漁陽桑葉今全落未礙棲烏借一枝

池上對月次叔寅韻

微陽下高木暝色一齊赴片月西南生結爲水邊霧適從池  
上來忽已迷故步落葉響空廊棲鴉在寒樹臺榭不可名一  
碧若連互仰視河漢閒流雲方西渡清輝竟何極坐惜塵纓  
誤遐眺佯來景澄觀息往怖與子俱遠游相期慎霜露眞賞  
夙已愜何爲慚晚悟

十月十五日夜再同昆季招同叔寅方子謹上舍市肆

小集歸坐臨漪亭對月作

寒城陰陰雪意酣不飲亦覺思瓶甌人言東頭酒肆好荆高一顧猶能堪十年結客過燕趙眼前所得惟二三攬衣入肆日薄暮曲房窈窕疑精藍風簾雪壁亦頗淨金燈雁足光相涵昨者擊筑向燕市泥飲日日愁荒孰時人不復知姓氏酒家傭保粗能諳五花連錢贈人去鷓鴣典盡非余慚今來樊輿滅游醺願我意態仍狂慙花發時時憶韋杜曲終往往思何哉所惜北人嗜羊酪不如茗鯽清且甘銅盤行炙雜魚蒜坐令風味輸江南春圍頗憶燒苦筍霜田幾見收紅蚶主人好客不好飲謂客口腹甯足貪樽中有酒且勿御接席聊可容清譚酒深出門仰見月隔霜隱隱升松桷歸來樓閣在煙

隙林光晃灑生虛嵐名園美景逝可惜數客對影疑瞿曇近  
來端居慎霜露閉門擁被僵如蠶今宵辟寒賴得酒石上露  
坐遺冠筓臨漪一亭號奇勝兩水夾鏡開塵函深林老屋出  
幽火遠疑漁榜迴江潭又疑海山隔仙霧十日不足窮幽探  
羣動擾擾幸已息妙諦豈許旁人參棲烏夜靜訝人語踏枝  
動樹相訛誦整欣酒渴得佳茗亦有肺病思梨柑人生聚散  
等閒耳及時且得從斬騷朝讀異書暮飲酒中壽亦足齊彭  
聃天寒漏深返南屋垂簾不動鑪香含挑鎗寫詩茗有應風  
吹黃葉吟山龕

十月二十日雪

曲池先日見冰澌照眼俄驚雨雪飛朱箔森沈欺曉夢玉樓  
高下動晴輝龍蛇大澤寒猶蟄雁鷺荒陂晚更飢獨喜時和

螟魅淨、九重應颺釋宵衣

對雪懷仲彝

浮光積素滿園林，小閣籠鑪對夕陰。  
寄遠漫逢花下使，求聲時有竹間禽。  
平淮功業空思古，煮茗風流庶見今。  
欲贈襜褕憐歲晚，四愁爭向雪中深。

黃金臺懷古同叔寅再同賦

千金買馬一市傾，萬金養士敵國平。  
獨憐市士等市馬，黃金雖重心已輕。  
昭王愛士有真意，擁篲築宮乃餘事。  
不然樂生千里材，玉勒金羈豈能致。  
二城未拔吾道窮，嗣王豈復知臣忠。  
火牛一出齊地失，孤臣早入邯鄲中。  
君不見邯鄲一舉全燕動，報書語語堪悲痛。  
天馬一逝不可回，黃金如山復何用。

贈方子謹上舍

百折雲廊接綺疏，望衡常得萃纓裾。烹茶互賞黃柑帖，翦燭  
親讎錦帶書。前輩孫洪應不忝，舊姻莊趙有誰如。只今燕地  
多神駿，莫對荒臺弔望諸。

歲暮侍壽丈坐水東樓作

撰杖名園取次行，水東樓子倚新晴。映階碧草卽仙藥，漱石  
飛泉如玉笋。白傅故多陳酒債，荆公新改鄭花名。春風此地  
成幽谷，要聽喬鶯第一聲。

除夕寫懷八首

外戶新懸鬱壘符，梅花別院上燈初。年光轉盡車輪裏，秣馬  
聽雞到歲除。

強御屠蘇第二觴

同人中惟子謹  
年最少余次之

聊依舊俗一漙裳，旁人莫

怪襟懷惡破例，今宵在異鄉。

余客中度歲  
自今年始



李太白集卷三  
隱侯中歲益虛屨酒渴琴瘠卒未剛但得明年春病較盡將  
藥裏施人閒

小閣唐花供歲寒  
榻來十日半凋殘  
人生顏鬢無長好  
記取明朝把鏡看

家書寄我小寒天  
柳已穉時始到燕  
隔歲寄將雙鯉去  
到時應在百花前

斷帶鴛鴦有舊恩  
淚封塵積至今存  
轉頭十二年來事  
能得香衾幾夕溫

促坐分曹罷送鉤  
酒闌重與賭牙籌  
人生事事都如此  
一擲盆緋卽狀頭

誓逐班生出玉門  
不然奇服返江村  
誰能一世青衫底  
銀燭清樽照淚痕

蓮池春日

麗日薰雕檻，春雲覆畫廊。浮花知水淨，抽筍覺林香。側帽穿蘿徑，緝書置石牀。去年秋社燕，相見在金堂。

正月四日得愛伯夫子歲除前日書卻寄

參差春雁寄書遲，錦字封題換歲時。芳草未蘇殘雪路，梅花先捧隔年枝。風流自合傾燕市，天問何勞續楚詞。不負先生吟望意，草堂人日到新詩。

愛伯師以生日卽席示越中諸子詩見示奉答一首

臘酒初開第一觴，歲寒松竹有輝光。未容退谷棲聳叟，爭遣長安識漫郎。病衰越吟煩寄遠，樽前吳語似還鄉。鑄金合向詩龕供好散，天花作道場。

將入都門留別黃子壽文

李山房集卷三  
碧池新溜已涓涓計吏多時勒著鞭煙柳盡垂雙闕下早鶯  
猶在百花前薦書未患當途少詩句還從畫壁傳幾尺蓬萊  
清淺水照人青鬢到中年

斗北居然見一星中朝文獻未凋零斷碑羊峴猶能訪舊曲  
霓裳最可聽惜別肯令疏酒琖借書還與按圖經脂車明發  
春明去夢繞蓮花太乙青

酬愛伯師夏晚見寄

城南讀書地風物劇幽偏積雨仍多病空堂自草玄鑪香添  
夕廚瓶水發新蓮舊雨知何處江雲海樹邊

謂仲彝子  
珍諸子

呈孝達師二首

三歲星輶出帝闈全從翰墨策高勳宮衣重對靈和柳使  
節新迴劍閣雲每荷贈書多蜀刻頗聞得士似雄文祇憐畫

舫青衣水不遺侯芭侍夜分

廣座頻煩說項生傳衣虛忝侍承明依然北海樽同舉往者  
南皮會已更自分散材違世用因聞高論薄時名艱難  
新亭日但露文章世已輕

月夜同愛伯師過梁家園賦

紆轡荒園裏蒼然片月鮮秋光滿空闕玉露隔嬋娟官路斜  
侵水長河半隱天底因粧問鏡偏傍旅人圓

中秋雨集孝達師宅

嘉辰啓芳晏雲物闕重陰及此清秋節其如故國心簷花衣  
上落簾翠雨中深好月尋常有艱難旱歲霖

贈鄧獻之比部

銅墨勞勞二十春卻歸京洛踏紅塵興來偶和同文集老去

何心要路津  
宙跡復欲亭  
畔路詩名  
甌甄洞中人  
松花如雨  
僧窗下  
翦燭深談  
莫厭頻

葵山集卷四

恩施樊增祥嘉父

東歸集

起丁丑九月  
訖戊寅七月

晚濟滹沱

驅車問官渡息駕呼黃頭居人指河水云是滹沱流迤邐會  
津海估客紛相投連檣若叢篠密密當驛樓南人適北土日  
與塵沙轡眼明見流水如魚還故湫所嫌渾渾色不與山泉  
作明霞帶遠樹落日驅歸牛僕夫戒往路去去不得休稅鞅  
及曠黑何者爲清瀏惟應今夕夢乘月下滄洲

海上

神馬殿輪世豈無樓船飛渡散檣烏亦知方丈神仙遠坐覺  
中天日月孤龍伯幾聞膏玉斧鮫人空遣泣明珠平生憂患

多於海未覺滄溟是畏途

贈薛慰農院長

投老談經占一邱後堂絲竹劇風流  
籃輿每遣門生侍烏角恆從節度遊

歷任兩江節帥咸加禮敬

五鹿乍來應折角  
干牛臨去莫回頭

歌姬院裏韓熙載作得南唐宰相不

歸臥松雲老益堅平生出處慕隨園  
結交河朔諸名將成就

金陵兩狀元

殿撰某出君門下時秦淮某妓亦有狀元之目君爲媒合焉

太守西湖留畫

象相公東閣愛清言

謂曾文正公

香山一領青衫在何止杭州浣

酒痕

十月八日雨中蔭田員外招同仲丹孝廉偶樵少尉登

晴川閣補作重陽酒次各記以詩

重九雖過菊未殘登臨聊得補餘懽  
尊前歷歷青山在江上

蕭蕭暮雨寒萬里，歸來重抗手。百年多故幾憑欄，依然往日  
龍山會，移向江天畫裏看。

明日復泛舟至湖樓，遂詣伯牙臺，小憩已復由漢入江。

與蔭田別歸武昌得詩四首

平明啓房戶，雲水盪澄鮮。初陽媚東桑，金碧相同旋。理榜汜  
清漢，細波流涓涓。舟檣旣櫛比，闔闔復雲連。是月已孟冬，氣  
熙若春天。巾服並蕭散，茶具紛在前。橫舟當岸曲，垂楊拂我  
肩。卻望裏湖水，空明如月圓。

湖波明如月，湖樹圓如蓋。杳然雲水閒，一樓出煙靄。昔爲謝

朧居今也陸，機屨

樓爲偶樵故居，今蔭田令子讀書其上。

坐我百尺顛，瓊枝蕭

揖拜乞火，煮溪茶分泉。濯寒菜一室，無流塵坐與。名理會窗

中，女郎山窈窕，見眉黛。何必弄珠人，貽我江皋佩。



小舟遵湖曲言至牙臺陰昔者鍾子期此焉結苔岑連峰抗  
以高流水窈以深古人失速好終身屏瑤琴想見抱芳潔與  
世殊貞淫感此念良會時逝不可尋參辰一以隔還當韜玉  
音開軒恣遐眺倚樹瀾微吟豈謂浮世子能知山水心

出游日嚮晨回棹已及暮子歸江上樓我喚東門渡杜叟相  
與偕褰裳涉江路十月煙水春梅花半含吐採之貽故人庶  
以見心素花下卻回頭汀洲曖白露不見倚樓人蒼蒼漢陽  
樹

奉懷黃子壽丈

蓬瀛再涉疾回帆龍臥南陽自不凡幕府尙求新疏草兒曹  
分著舊朝衫閒爲栗里先生傳老署蓮花博士銜十載張園

領書局選材南北盡松杉

所居蓮花池爲  
元張柔別業

寄懷張樵野蔭桓觀警煙臺

五雲樓閣起蓬萊  
絳節仙人沛上回  
身坐胡牀清島嶼  
手麾白羽動風雷  
珠槃且與夷酋會  
玉帳秋凌海若開  
壁立之罘千仞石  
祇今誰是勒銘才

雨宿偶樵寓齋賦贈一首

記別江陵解連牀  
復在茲同聽今夕雨  
盡讀隔年詩酒熟  
呼新鮮茶香發舊羹  
西堂響松竹渾未解  
淒其

丁丑八月乞假出都  
愛伯師以詩贈行久未奉報  
歸途無事懷舊抒情用誌一時人文之盛兼寓身世之感

云爾

會稽山水淨無塵  
禹穴秦封有異人  
家近賀公眠井處  
地鄰西子浣紗村  
青山紅粉今無恙  
快閣蘭亭屹相望  
晉宋風流

孰代興百年人物堪惆悵越縵先生挺殊質長庚夜見蓬萊  
驛述德工爲謝容文生花雅擅江郎筆青袍白馬帝城中

散噴歸來對相公

謂商城相國

司馬賦才椒殿重令狐書記玉銜

工中丁離亂還桑梓眼見湖山洗兵壘四十才登有道科貞  
元郭士知無幾重騎白鳳入幽燕車騎雍容九陌前卻過平

津傷馬廢欲談天寶剝龜年侍郎

潘伯寅師

席上觀瞻異學士

李若

蓑先

山中問訊偏總爲看花來鄆杜還因乞米陋平原去年

海內傳

明詔欲選儒珍置清要美竹祥金卽次來蘇門學

士俱年少的的陳王有異才陶家兄弟

子珍仲舜

何清妙一日

沈縱不齊何曾珠璧殊光曜

丙子會試惟子珍汝異獲第

我愧焦聚出

餘執經得傍子雲居稍窺石室無窮業快讀生平未見書

遺緇函探鄰采更分美膳出中厨爲調藥餌供多病

篇嘆起子座客當時各標置翰林陶穀尤清異

謂子珍

度曲知

爲禁近傳讀書妙得經師意總向人前譽兩生跛蛩邢合道  
騏驎暖閣香消淪茗談涼堂暑退欵巾侍酒熟聽鶯皇子陂  
月明騎馬花之寺唱出花閒絕妙詞羅箋團扇傳名字鳳城  
歌管舊知聞翠袖銀箏總斷魂坐近香沾雕玉佩醉深酒污  
鬱金裙梨園競說三珠讚花國都頒九錫文會得靈均香草  
意現來天女散花身好夢春明邗肯歇燭筵夜夜光如雪時  
有篇章倚馬成常教棋梨當花設中閒我獨去樊輿人事音  
書未寥闊二月東風上玉京朋簪依舊圓如月上已江亭理  
觴詠籃輿扶出花枝映海上孫子宜陶心耘接武來公門此  
際稱全盛櫻桃宴上榜花開獨愧寒郊走馬回絕學豈應傷  
罷耗門生多已到蓬萊落花片片當樽俎從此離筵散如雨

水暖雙舟向越溪

子珍心  
菘還浙

月晴一雁歸湘楚

仲彝遺  
宜昌

貧病長

安不易居陳琳王粲皆愁苦禮堂列坐更何人獨許樊川氣

誼真絲竹拋來無意緒一燈師弟語酸辛傷心苦憶秋窗話

頭白皋魚發深喟莫問先人馬鬣封金棺淺土秋陞外一片

霞川好墓田瀧岡有願何時逮白傅深憐抱子遲羅橫總爲

浮名悔執戟長楊又十年惟餘畫裏青山在招隱依依盼桂

叢驚秋往往思菘菜我亦生平遊五窮中年哀樂略如公世

人礪刃讎中散朋舊移書慰敬通身事茫茫憂不細傷離念

遠還多事歸奉高堂一日歡可憐寂寞傳經地塔院清觴一

再行蕭蕭衰柳拂行旌不堪送盡東歸客更遣何截唱渭城

單車一出江山異北馬南橋數留滯一涉滄溟試壯心每占

風角愛兵氣

時河南  
多盜

回首龍門百尺高春風杖履何由待此

斗南邊一寄書市朝大隱竟何如

至尊久已知才子九列頻煩訊起居終見桓榮成晚遇卽看  
鞅固起安車時來休戀承明署祇向君王乞鏡湖

和子珍病起一首

見說經秋病骨輕杖藜一室可將行窗塵久掩溫經席院靜  
猶聞搗藥聲乍覺肌涼呼半臂緣知脾弱厭香杭江湖處處  
饒風雪莫遣貂裘更遠征

又答見懷一首並憶汝翼都門

鴻飛遵曲渚千里惠瑤音去國逢多病哀時入苦吟繁霜凋  
歲色滄海折歸心

君尚居上海

更念中朝士離憂倘可在

寄調周

鑿胎 慧生同年

同年三百謁金門第一周郎席上珍名父合生孫討虜懿妻

剛得衛夫人清文芍藥供裁翦玉貌蓮花作粉真千載鷗波  
亭下水如今移作洞庭春

江樓酬蔭田

同掣鯨魚碧海游

時余與君先後航海歸楚

歸來相見在高樓題詩一上

蓬萊頂

君有登蓬萊閣詩

捲幔俄驚漢水流往事煙霜成契闊側身

天地獨沈憂渡江知有澄清略冷笑鴟夷估客舟

春明雜事詩十首

里中親友多問京華故事因憶唐杜牧趙嘏周墀輩  
擢第以後並撰詩歌紀述恩慶王定保採入摭言便  
爲掌故 國初諸老亦多有紀 恩詩二百年來有  
司制置時有異同里居多暇仿王建宮詞體撰爲十  
章以答問者並資後人引據焉

榜花初拆滿堂歡猶鎖靈扉十二銀青鳥已銜仙錄去一時  
傳寫徧人間寫榜時局閒甚嚴每寫一名報房從門隙傳出  
飛騎至殿肆張貼是日都人聚集謂之看紅錄

集英門下綴行齊內使傳呼散御題引向丹墀三跪起兩

行分就殿東西

殿試題紙下監場官帶貢士  
跪拜領訖乃就殿上條對

御廚不托鏤成花殿上人人得拜嘉寫到江都弟三策中官

催賜雨前茶

是日賜貢士餅餌並  
於殿西隅煮茶以給

黃紙緜圍界畫勻舍人填出榜花新書成五鳳樓前挂三百

人皆賜出身

分甲榜在內閣寫訖迎至  
東長安門挂三日乃收

賜衣擎出午門邊幾費江淮月進錢莫怪後生材地薄宮羅

都不似從前

貢士各給表裏二端咸豐以前老監  
所得皆堅厚耐久今工料淺薄矣

朝天午夜入皇城內裏傳籌未六更見說



兩宮梳洗慢玉階鵲立候天明

貢士多寓外城引見日率以夜半入內

玉座前頭列近臣綠籤名字御前陳後邊隱隱遮官扇知

有垂簾

女聖人

引見時軍機大臣在御前遞綠頭牌實座後施黃紗屏六扇爲皇太后坐處

君恩特敕入槐廳雙鵲花前謝聖明五色天書侵曉降玉

堂前輩與宣名

引見後鼎甲及庶常請翰林院謝恩宣詔者皆清秘堂前輩

園司設飲好風光關宴依稀似李唐總爲橋陵工未訖教

坊不敢奏伊涼

進士團拜皆張樂設飲是歲以大行在殯禁止演劇

上學爭持一卷書相公催課又傳呼不知誰是凌雲手許帶

牟尼百八珠

大課第一例送武英殿得挂數珠

冬夜喜栗園見過因留共榻論養生之術

走馬東還漸老蒼故人寒夜共相羊手龜自秘千金藥睡鴨

閒燒五木香便了尚能供客饌摩登何計擾僧牀

君嘗曰  
余爲僧與

歲暮自葺小軒

短榻醜瑜暖不勝蜜梅香裏愛冬晴冰油細蘸桃花紙乞得  
東軒分外明

雨中

乍撥還寒候將晴復暝天梅青花後葉桐白雨中縣新水方  
羅穀幽禽勝管弦溪居日無事客至一譚元

春日同栗園桐侯郊外行散

遙指農壇側帽來東臯春麥漸含胎一番已過花朝雨二客  
同尋石徑苔謝豹啼時山筍拆紙鳶斜處野棠開殘碑蝕盡  
尚書墓寂寞無人薦羽杯

春日有懷月湖之游寄蔭田漢上

拾翠年年憶漢濱，祓蘭天氣百般新。  
簾垂曲檻交飛燕，船繫朱藤不見人。  
開徧桃花春在水，吹涼樓笛雨如塵。  
盟鷗三十誰爲主，輸與郎官作客身。

得愛伯師京邸書卻寄

多年人海滯名郎，華省飜宜作病坊。  
一別湖山從閒阻，重尋軍庫益悲涼。  
舊人度曲非天寶，老眼看春到會昌。  
賀監東還無好計，空令垂白戀明光。

採茶詞二首

雲鬢金釵出左家，清明隨分看桃花。  
誰知螺鈿溪邊女，一月蓬頭自採茶。

分龍雨小不成絲，晏坐齋中試茗旗。  
乳燕出巢鷺上簇，山

又過炒青詩

卷四終

樊山集卷五

恩施樊增

涉江集

起戊寅八月訖  
己卯十一月

重過龍山書院感賦

草綠池塘柳映門，當年曾此置琴樽。  
春深燕污橫經榻，水淺魚窺洗硯痕。  
寂寞舊爲揚子宅，重來非復謝公墩。  
飢驅仍作諸侯客，一席青瑣那得溫。

呈豹岑前輩二首

時公以卓  
異待觀

古來郡國幾黃龔，欣見鸞書上九重。  
已遣循良高漢最，盡援飢溺入堯封。  
雕弓春射桃花水，散帙秋臨畫扇峰。  
辛苦七年仁育意，湖桑八百綠陰濃。

公課民種桑  
今成林矣

往日賓幃拂拭偏，紅氈今拜郡齋前。  
笑着玉署題名記喜誦。

金箋進 御篇吳下近疏前輩禮歐門終獎後生賢霓裳記  
得開元譜回首蓬山廿七年

洪北江詞云燕子平生眞恨事不見梅花陳藍洲酷愛  
此語因畫梅一枝著元鳥其上以爲可以補恨余謂  
洪詞誠雋而傷於直不若史梧岡游仙詩云水雲滄  
冷到初冬避盡春來蝶山蜂最是花神不安處海棠  
無福見芙蓉語較婉麗甚老何不寫此詩意爲海棠  
種福耶戲書四絕句爲券

霞幄金房照水清回頭無復紫雲英若爲留得春風在同向  
琉璃地上生

似水華年不自持春花秋月極相思綠章不用通明奏再拜  
黃筌筆一枝

欲採芙蓉奈晚何與奴方便託微波守紅總向秋江死猶勝  
年年望絳河

畫紙如羅不障寒故移銀燭近闌干荒唐莫受梅花聘好襯  
丁家步障看

題藍洲所畫梅花燕子小幅

縞袂紅襟兩不期北江詞裏慰相思若爲拋卻尙書杏來趁  
天荒玉冷時

秋去春來玳瑁梁一年強半在金堂也應償得梅花債兩見  
瑤階發海棠

戊寅九日陪豹岑前輩龍山寺游醮

城西山以來龍名蜿蜒勢與青冥爭居人指爲落帽處似龍  
母乃非真形龍山距郡三十餘里今所游者  
名來龍山土人遂以爲龍山云使君政暇事幽



討佳辰良友偶合并肩輿出郭去牌幟勿使阿殿驚山靈山  
椒有寺出林表遠望丹翠輝檐楹入門一衲爲前導華裾玉  
佩搖瓏玲仙雲亭亭結葩瑤法花娟娟垂金瓶殿隅一樓拔  
空起直上憑欄俯千里石幢倒映寒潭清雕檻平臨暮山紫  
是日金風最寒慄天清地肅空無滓苑柳宮荷積水中汀蘭  
浦雁蒼煙裏景光無際歡有窮舉酒屬客澆凡習几筵咫尺  
羅山海翠尊銀燭回春融蟹螯未紫柑未紅菊花始秀東籬  
東眼前節物盡遲暮及時胡不酣千鍾此山自昔盛尊俎高  
會如雲散如雨呼鷹臺上彼何人豚大兒郎不足數折臂三  
公差解事登臨意亦在千古遠志當如謝安石可兒復有桓  
宣武丈夫各欲樹芳烈世俗乃始荒歌舞不見前朝游冶處  
清宮竹殿今塵土當歌慷慨若有神玉壺酒盡鐘鳴昏緇流

秉炬起相送野塘照見醜顏新百年此會復幾日故須作記  
鐫青珉高冠岌岌幸未落慎勿呼我狂叅軍

贈范芝函丈

廣文官罷百無餘矐首傳經計豈疏兄弟並登鸞掖貴妻帑  
惟傍鹿門居閒翻白紵歌新曲偶仿黃庭作細書歲歲桃花  
時節水武昌魚味定何如

丈家西  
塞山下

贈張子丹上舍

門才風貌兩無羣家世黃扉久策勳寶馬舊嘶沙苑月宮執  
新畫敬亭雲果知潘令車中滿香愛荀郎座上薰自別靈和  
殿前柳人閒何意更逢君

贈方子和秀才

早騎白鳳下峨眉管記湘東厓幾春寄遠每煩秦上計學書

剛似衛夫人拋殘金瓠詞中淚吟瘦細梅樹下身不盡江關  
蕭瑟意看君辭賦倍清新

答舒明經見贈卽題其集

羣星耿耿雲臺側少微含光照江北高義不屑交侯王羊裘  
日暮行空澤蚤年挾策試書判黃金價高縫掖賤歌曲徒爲  
北里傳詠諧祇覺東方慣長安市上春復秋五陵年少多從  
游掉頭不過武安第乘醉怒罵文成侯江淮一朝嘯羣醜杖  
劍軍門好身手羽扇朝麾采石雲詩瓢夜繫沙場柳同時英  
俊何紛紛貂蟬絡繹階青雲君獨何爲在蓬蒿褐衣韋帶纏  
其身乃知夙昔厭津要垂白肯爲世勾調南望荆巫訪故人  
紅蘭碧杜俱含笑我聞君名將十年一笑遂拍洪崖肩不惜  
肝肺剖相示酒酣談菽如流泉伊余讀書具眞賞師友平生

謝標榜氣岸不受天下憐文字頗爲老成獎君謂我詩冰雪  
清賦以嘉什如瑤瓊驪龍選珠五百顆粲列紙上俱光明我  
讀君詩詫奇絕中宵戶牖鳴金鐵上者力欲追青邱其次足  
當黃仲則海內於今罷戰爭惟將歌詠答昇平乃公自有千  
秋業嗟爾悠悠世上名

謝余

誠格

壽平大弟惠茶紙

同客蓮花幕翻勞賦玳瑁建谿茶鈔小蜀井紙簾疏勝飲雞  
蘇水堪臨玉枕書凌雲誰屬草終讓渴相如

寄偶樵下巴河權所

探奇遠過雪堂閒漸共桃根打槳還直以扁舟載風月豈期  
監稅得湖山官錢起屋聊堪隱團扇題詩好是閒秋藕尙肥  
冬酒熟可無朋舊與追攀

十一月十二日渡江望蔭田江樓寄懷一首

時君在廣州

挂席西行江水寒，高樓遙矗白雲閒。  
飄飄黃鶴誰能繫，落落元龍復未還。  
吾病欲尋訶子樹，君歸長負女郎山。  
梅花過嶺開常早，爲寄南枝慰別顏。

觀龍湫

來訪靈泉躋谿衍，洞壑欹垂瓶。惟暗汲捫壁礙，深窺畫暝知。  
龍定鏡來訝石奇，爲霖應有待。聊詠濯纓詩。

雨中有懷陶騎尉江上

扁舟昨相送，鷓鴣今朝鳴。垂簷交玉溜，荷笠上春城。  
赭白驕籠馬，宮黃細溼鶯。數重江樹失，一二浦帆明。  
歧路寒尤力，衣裘御轉輕。言贍渚宮權，何異在瑤京。

二月初九日雪

翦水真成質，乘春亦有功。聊爲二麥喜，不礙百花紅。篩瓦高能積，黏泥暖易融。梁園詞賦客，炙視對東風。

雪晴作

微聞簷滴響，虛廓散似輕。雲薄似霜漸，漸春山呈碧。玉明明宮瓦，露鴛鴦。佩環已分隨流水，庭院無何換夕陽。又是瓊花銷歇盡，一生惆悵憶唐昌。

花朝寒甚書寄荊州故人

小窗風葉翦芭蕉，睡起繙書不自聊。二月輕寒連燕九，一簾微雪作花朝。病違舊雨成幽獨，門掩青山任寂寥。柳眼桃穠各無恙，南園金犢倩誰招。

春夕置酒

昨買梨花釀，因浮竹葉杯。閉門春欲半，倚檻月初來。屏燭含

光暖庭花滿意開，欲爲中夜散。已是曉鐘催。

庭際海棠山茶各試一花

端重輕盈態不同，尹邢相對笑東風。香詞合唱交枝玉，樂府分填一萼紅。

朝來辛苦護珍叢，自翦花幡細雨中。更有春人比花弱，海紅簾下試熏籠。

寄懷汝翼都門

使君清望稱蓬壺，一別青門歲再徂。拊馬似曾將便面，解貂時欲付當鑪。劇憐抱病依青瑣，猶有閒情賦絳都。好是東南朝日麗，朝回花下對羅敷。

寄壽愛伯師五十

聲華籍籍動天閭，閉戶虞卿歲月長。閒與娉婷商茗事，全疏

朝謁對醴香蚤專博士談經席晚試仙人服玉方多少貴游  
愁白髮獨留青鬢照黼綳

四十曾吟楚客詞

集中四十自敘  
一首在鄂中作

十年京邑更淹遲孝標自

敘何多恨中散高情未入時宦味那如蕤菜美俸錢難足草  
堂貴淮南叢柱濃西水都入先生自壽詩

己卯閏三月三日蔭田員外招同杜孝廉梁茂才集晴

川閣補脩禊事卽席賦詩並懷偶樵少尉

飛蓋如雲集梵宮禊桃猶作晚花穠青山繞郭春無恙曲水  
流觴歲再逢煙雨西樓同悵望衣冠南士極雍容下方但見  
駉鸞影知在珠簾第幾重

往日高歌補重九今來江閣閏重三酒痕歷歷看衣上柳色  
青青又漢南佳日春秋能幾遇故人風雨更深譚同游祇少



西堂謝憶插茱萸轉不堪

自題小影

時客  
滬上

春後孤花病後身渡江洗馬減風神  
十年前事誰能記洛下  
羊車看壁人

臙脂作粉玉爲煙舊夢星星記不全  
無恙金樽無恙月可堪  
人不似當年

閒騎果下看吳山獨自尋詩獨自還  
苦帶謝家山澤氣無人  
知在玉堂閒

絲絲煙柳拂江潭重訪春申駐玉驂  
三十三年流水去任留  
小影在江南

再題三解

漸覺春來帶孔移育長生是有情癡  
愛河淺水桃花色莫爲

離人照鬢絲

費盡燈前百種思，悼亡傷逝苦禁持。  
十年無限銷魂意，盡在空樓抱影時。

小桃纔著淡胭脂，一集金荃手自持。  
少箇吳娃十三四，爲移銀燭照填詞。

袁觀察索詩因贈

庭蘭門柳兩蕭然，勝日春游一放顛。  
晚得青箱天與子，夢騎白鹿地行仙。  
病來捨宅爲僧寺，宦罷捐金置義田。  
見說傳家無玩好，篋中惟蓄買書錢。

初夏江樓卽事呈蔭田員外

隱几焚香意有餘，仙人故是好樓居。  
眼明盡日觀流水，手倦經時拔異書。  
宿鳥呀晴茶戶喜，新櫻上市酒人疏。  
勸君且盡

辛家釀四月江城畫不如

夏夜同人至綠蘿溪上

每愛東溪一道斜夜來人意益清佳  
一丸瓊瑤松間月十畝琉璃水上花  
隨分溪山安夏簟泥涼風味飲春茶  
何時真買灤西宅老柳陰中縛釣車

雨夜作

冷雨凄迷候二更挑鐙往往見天明  
自緣好夢隨年滅不爲聽伊亦不成

仲彝奉其尊人安軒先生遺柩還浙詩以送之

丹旒東還果有期一歌虞殯草離離  
十年陶令歸無計此去安豐力倘支  
雲樹蒼然皆變色衣冠送者盡銜悲  
白雞飛去稽山遠見否西州灑淚時

十年游蹟總成塵  
蛩駟猶無爾我親  
小艇巾車常共載  
綠楊紅藥自爲鄰  
中年以往還多事  
同調於今復幾人  
依舊竹林行樂地  
不堪垂涕送雙輪

題朱生甫子彥年丈昆季邗江分權圖爲干雲同年索賦

吳天黯黮雁行斜  
風雨孤篷一夜賒  
便作對牀聽亦得  
挂帆明日是天涯

平山堂下惜分携  
小泊虹橋發鼓遲  
不合橋邊種紅藥  
年年花發是將離

贈荊州將軍通侯希公

六齋平臨九十洲  
呼鷹臺上醺清秋  
江山形勝歸留鑰  
金紫蟬嫣冠列侯  
作賦定知憐宋玉  
建牙終是愛杭州  
楚中蘭杜

尋常甚難得明公一再游

公嘗任荊州都統  
又任杭州將軍

次韻答愛伯師見寄一首

苦憶長安不易居飛來花葉漫愁予朝華未必妨脩道園令  
何嘗廢箸書新夢欲隨秋草遠故交真與斷鴻如

請仲彝子  
宜諸子

極知燕市英游減換酒無勞解佩魚

題畫二解

閒寫奇峰入畫圖芙蓉湧起露花跗遊人正欲江南去愛煞  
青山似小孤

水落江寒九月初滿懷清氣倚前除人生難得秋晴日飽嘯  
山光讀道書

望雲出示近作卽題其後並用錄別

扁舟東下忽相逢黃鶴西樓訪寓公獨步久輕江左士新詩

兼有渭南翁齊名那得分前後持論於今少異同草草一尊  
重惜別驩駒聲滿淚痕中

倪三司馬刻鴻景

望江太史今名族出領荊州佩銅竹丰采常爲郡吏矜經籟  
分授諸郎讀大兒十八何英英小兒七歲知書名政暇從容  
作庭誥笑看玉樹雙擘燦令弟江南印鴻爪口頭苦憶西堂  
好花發年年在潛宮詩成夜夜生春草閒呼驪子理巾箱更  
試聰明蠟鳳皇饋食別開修竹院賭碁還碎紫絲囊西園盛  
夏張清醜總角荷衣俱婉變手寫扶風誡子書南牙闕障開  
生面教兒當學龍伯高苦心學杜嗟徒勞好看畫像知吾意  
手結香纓戒汝曹伏波智鑑居人上晚年猶被明珠謗何況  
嚴敦並少年雌黃當世誰能讓此意由來善自謀保身明哲

復何憂甘隨人後爲龍尾莫笑臣癡似虎頭知君少讀文淵  
傳志節平生同大半曾看羣盜起朱鷺亦散千金趁隴漢神  
武中興罷枕戈據鞍心事久蹉跎空嗟朱勃成名早猶恐梁  
松近日多卽今無事居官閣日涉西園從兩鶴花萼樓中枕  
簟長竹林隊裏琴樽樂畫裏看君鬢未秋澤車款段亦風流  
旁人未識平生志錯認當年馬少游

樊山集卷六

恩施樊增祥嘉父

金臺集

子壽丈來都流連旬日敬呈二首

久辭金馬採商芝竹杖籃輿到處宜老去尙能携謝屐醉中  
時復和陶詩要人平日稀相見書局多年且自隨惟有舊人  
還識得精神如在玉堂時

新亭置酒及新春憂國談邊涕淚頻誰使嚴徐傳諫草似聞  
頗牧出詞臣文章悔竊時流譽心迹惟於老輩親直恐功名  
慚宿願禮堂曾是問經人

庚辰花朝同李愛伯師鮑敦夫

臨

前輩尋歌貰酒流連

竟日卽席次愛師韻



鼓笛紛紛集令辰閒隨珠勒步香塵祇應天上無雙曲解送  
城南百五春舞徧霓裳花散雨照來銀燭玉爲人清游豈獨  
金吾縱天爲游人洗月輪

敦夫汝翼分投禮闈奉贈二首

黃紙宣名出玉墀大官供帳肅鸞儀鳳林接羽參差入魚佩

分行次第隨發策王融諳故事

汝翼記  
論最博

領房劉歊

去聲

尙輕

資

敦夫年輩較後  
擊籤得第一房

簾前欄幙知多少競誦當年省試詩

尊酒平居數往還鎖廳今日足清歡傳衣不少新先輩對榻

同稱小試官燒燭光陰逢病起

時汝翼  
病齒

煎茶風味在春闈故

人大半風檐底寄語歐梅子細看

三月廿八日竹簣前輩招同李愛伯師錢筮仙

拔常禮

部王廉生劉叔俛兩孝廉花之寺看海棠卽席有作

祗園花發露紅新如此春遊未是貧  
藜杖過橋聞好鳥角巾入寺盡  
詩人眼前瓶酥誰非客定後香光  
欲繞身半日僧窗燒苦筍不知何  
物是京塵

愛伯師中雋後仍以戶部郎候銓奉賀二首

桃李如雲萬物春南宮今喜貢儒珍  
藝林自昔榮稽古朝貴同聲賀得人  
座主見來惟避席房書傳出信無倫  
少微移近文昌座未許江東有逸民

十年執戟侍瑤京郎署蕭然亦有情  
公望豈緣金榜重人閒眞覺玉堂輕  
閒官自顧仍無恙樸學從來肯近名  
鸞鶴三霄齊悵望蓬萊無福着先生

酬陶八孝廉見贈卽用誌別

三謝多文采如君乃惠連相逢春草  
長同過酒壚前半醉思

江橋輕寒上楚棉前年蕭寺月重爲故人圓  
丁丑會試與君同寓大宏禪院  
君歸當鑑曲吾意厭承明尊酒須臾會風花無限情羸驂同  
去國絕域未銷兵莫漫傷離索相看竹帛名

散館得知縣酬愛伯師見慰一首

人天小謫亦何言猶荷高軒數過存銀管試書新案牘玉堂  
難認舊巢痕但營升斗非臣志得奉晨昏是  
國恩時以親老乞近  
獨有平生師友在謫居長是望修門

五月朔日同匡伯過夕照寺遇雲上人茶話移時

同車指東郭樓殿望中移駐馬平林下開門夕照時晚花飄  
笛簾流水入琴絃坐覺諸天靜非緣半榻持

一憩花幢側因過丈室閒鳥鳴堂下竹僧話浙中山佛畫經  
年闕茶香半日閒塵中幾兩屐覽得印苔斑

五月十二日筮仙禮部招同竹簣小山雪澄厚甫素食

天甯寺

四郊煙樹曉濛濛爲借僧房避軟紅  
髮得蕭閒塵事外都來安置畫圖中  
諸天花雨經幢晚盡日樓臺寶鐸風  
歸去接離憑倒戴何如朝散掖門東

對雨東周

鑿語

惠生同年

坐對如繩雨黃梅節已過斜飄侵硯急  
薄潤入衣多新水爭銀鬧飛花滿玉河  
底無阮家屐一爲破庭莎

月下聞鄰人歌曲

月出疑清晝揚輝竟一庭風枝不受鵲  
露簾已流螢愁並朱弦發雲爲皓唱停  
比年感凋落鄰笛不能聽

題盧太淑人焦尾閣遺詩爲令嗣渠城孝廉屬賦

白鶴西飛天雨霜孤桐爨死金井涼皋魚日夜擁樹泣遺詩  
口誦聲琅琅王家有母秉貞淑林下蕭然映清玉少小能吟  
窈窕篇于歸解奏唐山曲奉姑不減萊子妻生兒不啻王僧  
彌寒衣熱斗三冬綫玉子紋楸半夜棋一朝蟻賊連州郡盡  
室蒼黃那可問鹿車偈仄尙裝書履舄中間常置刃亂後湖  
山事事非瑯琊親從半流離玉釵敲斷長多病漆室悲來不  
廢詩不及君姑壽八十孝廉祖母尙在  
年八十餘矣不見嬌兒登桂籍已  
失蘭臺撰集人永無紗幔談經日香茗飄零此數篇相如才  
調未能先尊前一奏颺風曲珠玉蕭蕭落九天

白陽山人折枝畫卷爲李新吾公子屬題

卷中畫梅竹  
菊花水仙四

種

露朵煙叢向背殊水窗閒寫折枝圖石澗雪箇皆名輩一

蕭閒恐未如

玉奴翠袖怯新寒楚井分明近洛川四玉風神堪絕世月中  
霜裏共嬋娟

又題元院本花叢戲蝶圖

蘧蘧一枕小游仙跌宕東風亦偶然安得春光濃似酒一生  
沈醉百花前

六月十四日移寓橫街圓通道院簡伯循再同惠生可

莊諸君

琴帙蕭然共一車道人留客啟精廬南窪水碧差宜茗六月  
松涼可蔭書好爲青牛徵故事

壁間繪  
老子象

自憐白鶴有新居故

人不隔東西巷風雨能來一起予

題范觀察文仕隱圖

時與令嗣  
同寓道院

會爲供奉貞元際亦有風流淮海閒玉麈清談來白下隱囊  
紗帽對青山詩名當代猶堪數書局隨身且未還

文時領南  
京書局

千古新亭垂泣地可能無意爲時艱

和韻荅愛伯師感事之作

珠槃玉斧竟何從萬里天驕費折衝乘障祗應煩博士算緡  
眞欲困司農浮江組練新徵戍絕塞兜零數舉烽誰識相公  
驢背上短詩歇後日從容

瓶荷戲題

三年不到南河路聞道花開似錦涇買得白荷花一把自臨  
秋井汲銀瓶

贈王旭莊舍人

履迹周回玉殿陰舍人風兒稱華簪朝垂紫袖龍樓迴夕覆

青綾鳳閣深詔草欲爭紅藥豔帶圍暹綴荔支金 熙朝故  
事君知否大半中書在翰林

辛楣改官江南書扇爲贈

翩然衫笏去明光那得斯才貢玉堂寸草有心知諗母黃塵  
如許厭爲郎衣冠吾黨多情吏

謂仲修藍洲請君

風土江南似故鄉

勸爾東行莫回首海天愁霧正茫茫

舊雨長安久益親知君臨發戀修門離亭酒盡花爭落本事  
詩多草尙存一別秋山生桂樹雙棲煙艇共桃根風流合被  
吳中畫莫遺青衫有淚痕

六月二十八日同再同騎驢出西便門至釣魚臺觀荷  
局居畏煩暑結夏貪嬉娛攬衣西門去千錢貫兩驢西  
嘉樹大半楸與梧屈曲穿樹行清風吹我襦遙遷渡石



臺當路隅前臨百弓水明鏡生芙蓉霞爲波上錦露爲盤中  
珠我生墮塵海日夕思江湖何期情冷淵蘇此沙中魚艇子  
何處來先爲莫愁租微風忽引去佩玉鳴徐徐荷塘僅有一舟先有人租  
去我時憩隄上軟草承跣趺舉頭蔭垂楊俯視臨清渠相顧  
發深喟纓冕甯非愚夏日苦不長夕暉挂林於溪翁鸞菱角  
歸爲兒女需荷花不用摘染香盈衣裾

贈鄧比部文卽送歸黃岡

昔視京秋如登仙今誇外吏多得錢人生欲惡豈有定視其  
取舍區香羶鄧侯服官逾二紀宦味清於晉祠水手種芳花  
滿舜田身騎瘳馬過唐壘風塵鞅掌不自得手擲雷封若做  
屣不能折腰督郵下却來執戟長楊裏平生說詩疑有神閉  
門索句無冬春花時亦岸角巾出雪夜獨與寒氈親故人落

落洪與陳拍肩挹袂來卜鄰科名眎君猶晚達玉堂卓筆皆  
嶙峋君家齊安富洲渚亂後依然盛園墅梅花十里自成村  
鰕菜一秋賤如土昔厭外吏思爲郎今對故人思故鄉長安  
秋高鴻雁急漠漠西北塵沙黃此時鳴鞭去京國仰視白日  
凋輝光直以先機託魚膾豈惟高蹈追柴桑送君東去煙波  
闊吾獨栖栖就銅墨願題詩句滿江南莫誦移文向山北

八月朔日送客天甯寺晚歸有作

送客城南寺嘉辰此盍簪傍花尋井脈酌酒對藤陰紫翠諸  
峯色闌千萬里心殘陽和晚磬天際互光音

初三日公餞辛楣於塔射山房同愛伯師敦夫汝翼藻  
城子常

巾幘師兼友暄涼昨異今塔光浮白日山翠暖秋陰高會良

須惜離憂儻可任勿忘楚人意纓佩在衣襟

秋夜作

軟障如煙碧四垂卧聽窗竹擺風枝秋衾人共秋階草一夜  
青霜各自知

雨夕偶成

虛閣深明裏微吟屬暮天清茶逢淡友涼雨得佳眠漸欲黃  
淮橘將無損楚棉蕉心與人意歲晏兩欣然

奉荅愛伯師約游西山三解卽書辛楣所畫便面

十年夢繞翠微閒石色松光日往還誰識謝公團扇上如今  
惟畫百花山

羊欣着意寫蓬萊金界如雲迤邐開絕似青龍橋上望碧蓮  
花裏起樓臺

西山秋色美於春紅樹青林閒夕曛明日老坡携客去好將  
笠屐問朝雲

秋感

又聽西風入暮砧  
綸衣脂燭在簾陰  
沾泥已嘆身如絮  
消渴何嘗意在琴  
錦帳熏爐前日事  
丹房藥鏡一生心  
誰能更學春蠶死  
自縛柔絲自不禁

得子珍湖南書却寄

翰林持節渡湘灣  
南國青衿夾道看  
下雋煙波明玉佩  
九疑晴翠擁金鞍  
每談山水懷三竺  
亦有文章似十蘭

來書云湘中山水不

減西湖又云衡陽某生所學似王石腰錢十萬一輩人

見說春風經歲被汀洲日夜長

琅玕

謁選金門歲又徂  
停雲千里意何如  
改官自爲甯親便  
困學

其如與世疏新橋再黃逢卧病早梅初白爲傳書雙鳧若假  
南飛翼手版還應謁後車

都門雜感八首

與京鬱鬱古仙寰輜軸東迴國步艱西費久封雷翥海北烽  
高並雪峨山極邊茶馬仍通市舊國漫貂稍入關屏蔽漸虛  
肩背削廟堂爭得破愁顏

窺人魑魅涉重溟敵血珠槃浴劍腥已見仙槎通碧澗亦聞  
蠶髮覲彤庭十洲書檄傳飛電萬國衣冠聚寶星曾記尙書  
憂國語急收黑水入鬪經

南北天山久厭兵中原民力盡西征

高宗舊費籌邊略突厥新寒欵塞盟蔥雪十年煩轉門波蘭  
入部益縱橫如何再遣樓船使終始無人似陸生

廿年帥總西師軍寄從容得便宜  
蹇輟關中鐵如意來參  
天上玉果恩將軍跋扈終非福  
老子癡頑詎有知至竟虛名  
誰噉得卧龍巾扇到今疑

蜀將桓桓謁玉京朝廷勤色待花卿  
相公對客仍吳語戰士  
連營半楚聲老去廉頗惟善飯  
事前趙括易言兵紛紛灞棘  
皆兒戲誰爲官家致太平

貂錦如雲出備邊茫茫遼海列戈鋌  
旗纛元菟城頭月箭射  
盧龍塞外天羽檄頻煩徵北馬  
軍儲絡繹饋東錢中丞家世  
通侯貴莫遣迴谿折翅還

西朝冠帔怯晨興宵旰猶煩玉几  
馮邊奏亟呼蓮燭視國醫  
連用鶴書徵建章花發稀迴輦  
扶荔春寒罷進冰欲致常儀  
萬年藥須教瀛海一時澄

堂堂中庶鬱孤忠指畫天山及紫濛昔折尊聰金殿上今爲  
頗收禁林中間坊冷局憂天下痛哭危言動

兩宮待取中朝相司馬四夷拱手慕華風

十二月廿五日發都門途次酬愛伯師見贈

昨來炳燭理衣裝別短那知意思長去傍朱門聽臘鼓轉憐  
白髮閣春觴歲朝岸幘尋花市人日題詩在草堂爲問王程  
緣底急空令歧路擲流光

由涿州至保陽途次有述

褒衣挾策玉京來獨鹿風雲亦壯哉每憶軒皇親杖鉞爲憐  
昌國一登臺時清戰地耕桑滿日暮嚴城鼓角催漫以黃金  
致千里可知服櫪半龍媒

保定臬署酬仲丹見贈

翦燈曾記鄂王城杜子今來賦北征奪我鳳池還共惜逢君  
燕市若爲情驚心歲暮仍羈旅屈指窮交半死生傷偶樵  
之逝也莫  
負東來淹戀意敲春拚與盡深觥

辛巳正月十一日發保定車中酬仲丹贈別

立春十日太多事遊子天涯復遠行紅燭照筵貪夜坐斑駁  
出郭喜朝晴梅花竹葉還新歲野水寒雲滿故城若上高樓  
念行役九州直北是神京

過涿州通濟橋作

純皇鞭石萬靈馳想見承平物力齊別起樓臺瓊島外旁連  
煙樹薊門西霜清玉蝨明秋水日射金書炳  
御題辛苦當年舟楫意臨川策馬獨栖栖

長辛店題壁



龍沙無地着韶光，繫馬長亭別恨長。遊子天涯夢芳草，大夫

正月怨繁霜。

是日苦寒

黃塵烏帽隨銓牒，白日青春望

帝鄉。頭上五雲宮闕迴蓬萊，弱水茫茫

殘臘如保定，開歲還都往返餘二十日，雜記以詩。

藥玉初行酒未寒，慙回紫鷲駐雕鞍。明朝一樣青天月，水店

雲窗各自看。

出都之前一夕同人餞送於永和軒

一出修門百計非，傷心何獨是湘纍。行人盡照桑乾水，不變

朱顏恰是誰。

依依雙塔倚層雲，並照清流影不分。無限津梁等閒過，每來

此地一銷魂。

雙塔在涿州城外

泥絮風前久不飛，鏤衫檀板一時回。憑君撥盡紅文木，不暖

寒罏死後灰。

北河多歌妓故云

風急雲驚晚未餐旅人辛苦略能諳須知寒餓尋常有別有  
人間七不堪

白日蕭蕭易水寒悲歌不獨爲軻丹吳鉤錦帶分明在提向  
燈前百徧看

府主於今鬢有霜東來挾瑟上金堂十年出入蓮花幕贏得

逢人嘆庾郎

謂方菊人  
廉訪師

杜子經年駐習池衰遲頗有菟裘思不堪北渡交河水更遣  
明燈照鬢絲

仲丹舊在襄陽今  
復佐菊公於保定

北斗南邊見一星登高望海屢沈吟故知主張蓮花社未是

山中宰相心

黃子壽丈領蓮花池書局已十年矣近又兼  
主講席嘗以海賦賦今海命題故次句云云

重過張園一泣然應劉同調查秋煙平原才思能多少祇辦

人間嘆逝篇

悼方子謹楮  
叔寅兩君

舊會棲處認苔斑反闔倉琅鶴未還筆格花壺都已換只餘

雲母在窗閒

舊居櫻芋室窗格皆余手置

鶴砦西頭鹿砦南花深路曲未全諧亭臺改張已入九朋舊

可憐無二三

蓮池故人若方子謹補叔寅崔芋堂劉南江皆物故趙叔田勞玉初皆宦游張王二子又還家

度歲舊相識者惟吳蘭石太守而已

盡日空廊葉亂飛臨漪亭北水楊垂闌干幾曲斜陽滿時有

游人讀御碑

歲除日與仲丹游蓮池所見如此

梅萼垂垂拂綺疏每於花下暖青壺銅符封裏無公事重補

東郊種樹書

廉訪以所著彙覽提要二卷屬爲校定

雪意將成復渙然輕瓊冶絮不相便近來可是無風味苦水

煎茶又一年

時一冬無雪

有酒能消九九寒故人臨別重相攀莫嫌孤負西園醖算到

不羈且未完

都下近局頗盛

烹鮮擊鼓歲將除楚俗并風亦未殊  
今夕不堪千里外看人歡喜飲屠蘇

細和端明守歲篇虬更數盡惜流年  
窗前明燭還相笑不是

今宵亦未眠

除夜與仲丹守歲

記陪青瑣點朝班紗帽籠頭未許閒  
難得今年元日暇一甌

春茗話家山

歲朝一醉敲春筵暖窳初開門  
碧鮮無限嘉花與生菜非時

常得到尊前

元日僧仲丹飲蓮花池呈子壽丈

尋常喜誦杜陵詩飯顆重逢定幾時  
索寫東谿行看子山屏

水觴盡相宜

臨別屬仲丹寫新詩數紙

坐席纔溫蠟未灰上京文調逼人來  
若爲乞與雙飛翼了却

朝來卻又回

水驛山郵幾度經解鞍來認舊題名去時卻笑吾真醉春蚓

秋蛇畫不成

北河見去時題壁再賦此解

道旁髡柳未成絲北地寒多轉綠遲萬一灞橋相見汝蕭疏

莫似汝南時

仲丹紀行詩云習家池畔倚亭闌春事無多夢易殘碧色漢南堤上柳蕭疏今向汝南看此語

子深愛之

垂鞭側帽謾悠悠改歲重爲汗漫游宜稱詩人騎馬去曉風

殘月過蘆溝

紙閣銅瓶供歲寒橫枝不辦隔年看虧他紅萼能相待去了

重來亦未殘

春夕偕方同仲詣酒樓聽小史吹笛

昨歲芳梅正滿枝小樓邀笛故遲遲如今隔是花成雪拚與

蕭郎盡意吹

